



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

CV. Johann von Schellenberg bestellt Procuratoren, vor dem Burggrafen
Heinrich zu Meißen seine Ansprüche auf Sorau, Beeskow und Storkow
auszuführen, am 18. November 1499.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

CIV. Kurfürst Joachim und Markgraf Albrecht bestätigen dem Balzar von Löben das Angefälle des Dorfes Neuendorf im Croffen'schen, am 13. Juli 1499.

Von gotts gnaden wir Joachim, Churfurst etc., vnd Albrecht, gebrudere, Marggrauen zu Brandenburg etc., Bekennen offentlich etc., als etwe der hochgeboren furst, her Johans, Marggraue zu Brandenburg, Churfurst etc., vnser lieber her vnd vater seliger gedechnus, vnsern lieben getrewen Balczar van lobben vnd seinen menlichen leibs lehens erben das angefell, so die hochgeboren furstin, frau barbara, geborne marggraffin zu Brandenburg vnd herzogin In der Slesien etc., vnser libe muhme, vmb seiner willigen dinst willen irer lieb manigfaltiglich gethan vff das dorff newendorff, Im weichbild Croffen gelegen, das iczt hans van loben zu lehen besiezt, Im verschriben vnd geliehen, bestettigt vnd confirmirt hat, laut des briues darvber vszgangen, das wir genantem Baltzar von loben vnd seinen menlichen leibs lehens erben In ansehung seiner willigen gehorsamen dinst, so er vnser herrschafft biszher getan vnd hinfurder gern thun soll, kan vnd mag, sollich angefell bestettigt vnd dasselb dorff zu rechtem angefell vnd manlehen gnediglich geliehen haben etc. — Datum Berlin, am tag margarethe, Im XCIX. Jare.

Nach dem Churm. Lehnscopialbuche XXX, 187.

CV. Johann von Schellenberg bestellt Procuratoren, vor dem Burggrafen Heinrich zu Meissen seine Ansprüche auf Sorau, Beeskow und Storkow auszuführen, am 18. November 1499.

Ich Johan von Schellenberg, oberster Canczler des kunigreichs zu Behmen, thun kund vor allermeniglich, das Ich den gestrengen vnd namhaften hern Cristoffen von Talkenberg auf dywin vnd Cristoffen Ruprecht, In der allerbesten weys, Form vnd gestalt, So sich zu Recht aigent vnd geburet, erwelt, gefatzt, geordent Recht vnd Redlich, zu meinem volmechtigen Anwelden vnd procuratoren, abwesens als gegenwurtig vnd einen yglichen gleich mit gesambter hand vnd In Solidum gemechtiget hab mit solchen Clausulen, was Ir ainer anhebeth, das der ander das vorfuren, enden vnd volbringen mog, gib In auch sambtlich vnd sunderlich gantze macht, kraft vnd gewalt, vor dem hochgeborn herrn Hainrichen, des heiligen Reichs Burggrauen zu Meissen, Grauen zum hartenstein, herrn zu plawen, landtvoit in Niderlawfytz vnd vor seinem beysatz als vor diser sachen von dem Allerdurchlauchtigsten Fürsten vnd herrn, hern wladislaus, kunigen zu hungern vnd Beheim etc., meinem genedigsten herrn darzu verordentem vnd gegebenem des Landes Rechten, darein die herschafften, Slos vnd Stet Soraw, pefkow vnd Storkaw mit Iren zugehorungen zu berechten gehoren, Ordenlichen Richtern oder vor einem yczlichen andern Richtern vnd gericht, wo nach gelegenheit der Sachen not sein wirdet, In meinem nam vnd von meinen wegen wider die, So obgemelte herschafften, Stet vnd Slos wider mich vnd mein vermanit Recht vnd gerechtigkeit Im Rechten vertreten, zu procediern,

Agieren, Citacion vnd ander notdurfftig briue zu bitten vnd nemen, die dem oder denen, So oft not sein wirdet, zuuerkonnden, mich zuuertreten, Schuld vnd klag von meinen wegen schriftlich zu bitten vnd widerumben zu geben, der gleich antwort gegen Red vnd nach Red darauf getun, ya oder nayn nach gelegenheit der Sachen zu sprechen, darzue gewondliche vnd geburliche aid in mein Sele zugelaiten vnd widerumb von denen, So villgedacht herfchafften, Stet vnd Slos mit Irer zugehorung vertreten werden, oder derer Anwelden zunemen, wie oft vnd digk das not tun wirdet, gewondlich bedengkhtag vnd termin zu uordern, allerley Instrument vnd briue zu vberfehen, die zu widerreden vnd zuerlegen, zu appellieren vnd sich beruffen, die Appellacion zuerkondigen, zu Innuiren vnd der volge zu tun vnd funsten ein yglichs vnd sonderlichs In Sonderhait vnd gemain zu tun vnd zu lassen, das warhafftig Anweld vnd procuratores zu tun haben, gleichsam das alles hierinn geschriben stunde. Ich gib auch In vnd Ir yglichem In sonderhait volle macht, an Ire stat ainen oder mer ander procuratores vnd Anwelde zu seczen, kyesen vnd substituiren, ainen oder mer vnd den oder die wider abzufetzen, Reuociern vnd fulche burde oder Anweldschafft wider vnd so oft auf sich zu nemen vnd alles anders zu tun, ob es auch sonderlichs beuelhes bedorffte, zu gewin oder verlust der sach, was auch von genanten meinen Anwelden oder denen, so sy weiter substituiren, beslossen, angenommen vnd gehandelt wirdet, Gerede vnd globe Ich vnwiderrufflich trewlich, Stete vnd vest zu halten. Ob auch nach Scherff des Rechtens oder der Landgewonheit gedachten meinen procuratoribus vnd denen, die sy substituiren mogen, weyters vnd merers gewalts zu diser meiner Sachen volfuerung not wer, den hierinn stet vnd aufgedrugkt ist, will ich, wie nach ordenung der Rechten, In aller pester weys, form vnd auch nach der Land daselbs gewonheit, macht vnd gewalt gegeben werden mocht, Inen volliglich gegeben haben vnd hiemit geben. Des zu warer vrkund hab Ich mein Infigl hiefur gedrugket vnd zu zewgnus Ire Infigl oder petschaft, So dazumal Infigl bey sich nit gehabet, die Edeln, wolgebornen, Gestrengen, Ernvesten vnd namhafften herrn, herrn Burjan von liechtenburg, herrn Gindzichen von wartemberg, Herrn petern pogan Span zu preffburg, all kuniglicher Maiestat Camrer vnd herrn hanfen Turzo neben das mein zu drugken mit vleis gebeten. Gescheen vnd geben zu preffburg, am montag vor Elizabeth, Anno domini etc. nonagesimo nono.

Nach dem Original im Königl. Preb.-Archiv zu Magdeburg.

CVI. Kurfürst Joachim und Markgraf Albrecht belehnen Georg und Caspar von Löben mit Neuhausen, Rahren, Bresnichen und Frauendorf, am 24. October 1500.

Von gotts gnaden wir Joachim, Churfürst etc., vnd Albrecht, gebruder, Margrauen zu Brandenburg etc., Bekennen offentlich etc., das wir vnfern lieben getrewen Cristoff, Georgen vnd Caspar, gebrudern, gnant die von lobben, zum Newen hawfz, vnd Iren rechten menlichen leibs lehens erben disse nachgeschriben guter vnd dorffer, nemlich Newen hawfz, karon vnd das dorff Bresnichen mit mollen, wasseren, Grefingen, zinszen, renten vnd allen Iren gerechtigkayten, wie sie dieselben von vnser herfchafft zu lehen gehabt, besessen vnd